

Broj: 1382-1/23
Sarajevo, 13.10.2023 godine

Na osnovu člana 71. Zakona o turizmu („Službene novine KS“, broj 19/16, 31/17, 34/17 i 13/21), člana 30. Statuta („Službene novine KS“, broj 32/17), Programa rada i Finansijskog plana Turističke zajednice Kantona Sarajevo za 2023. godinu, Programa subvencioniranja razvoja turizma i avio saobraćaja na području Kantona Sarajevo (02-04-31542-47.1/23 od 06.07. 2023. godine i broj 02-04-43008-1/23 od 05.10.2023. godine), te Odluke o raspisivanju Javnog poziva za subvencioniranje avio-saobraćaja na području Kantona Sarajevo (broj 1382/23. od 12.10.2023. godine), predsjednik Turističke zajednice Kantona Sarajevo r a s p i s u j e

JAVNI POZIV ZA SUBVENCIONIRANJE AVIO-SAOBRAĆAJA NA PODRUČJU KANTONA SARAJEVO

I PREDMET JAVNOG POZIVA

Predmet Javnog poziva je subvencioniranje avio-saobraćaja na području Kantona Sarajevo u svrhu razvoja turizma.

Javnim pozivom za subvencioniranje avio-saobraćaja na području Kantona Sarajevo (u daljem tekstu: Javni poziv) utvrđuje se cilj, iznos sredstava, način realizacije javnog poziva, korisnici sredstava i kriteriji za odabir.

Period realizacije aktivnosti Programa je do 31.12.2024.

II CILJ JAVNOG POZIVA

Cilj javnog poziva jeste razvoj turizma na području Kantona Sarajevo subvencioniranjem avio-kompanija radi uspostavljanja novih destinacija, povećanja broja putnika u aviosaobraćaju i osnaživanje turističkog sektora.

III IZNOS SREDSTAVA

Sredstva su obezbjeđena u Budžetu Ministarstva privrede Kantona Sarajevo na poziciji, ekonomski kod 614300, subanalitika IAN060 – „Tekući transfer Turističkoj zajednici KS za sufinansiranje projekata od značaja za razvoj turizma”.

IV PRAVO UČEŠĆA NA JAVNI POZIV ZA ODABIR AVIO - KOMPANIJA

Pravo učešća na Javni poziv imaju pojedinačne avio-kompanije koje su registrovane za pružanje usluga avio-saobraćaja i koje ispunjavaju Kriterije za odabir prijave i dodjelu sredstava:

1. Avio-kompanije koje donesu odluku da uspostave bazu na Međunarodnom aerodromu Sarajevo,
2. Avio-kompanije koje otvaraju nove destinacije za Sarajevo (destinacije prema kojima sa Međunarodnog aerodroma Sarajevo nije bilo redovnih letova od avio-kompanija tokom dvanaest mjeseci prije datuma namjeravanog obavljanja prvog leta),
3. Avio-kompanije koje uvode jednu ili više strateških ruta za Sarajevo, u skladu s listom strateških ruta definisanom od strane Međunarodnog aerodroma Sarajevo,
4. Avio-kompanije koje uvode letove na postojećim strateškim rutama iz/za Sarajevo, a na kojima trenutno ima uspostavljeno 5 ili manje letova sedmično
5. Avio-kompanije koje uvode dugolinijske letove u trajanju preko šest sati za Sarajevo.

V KRITERIJI ZA ODABIR PRIJAVA I DODJELU SREDSTAVA

Pojedinačne avio - kompanije koje se prijave na Javni poziv moraju ispunjavati sljedeće kriterije:

1. Broj destinacija, od kojih barem jedna mora biti nova i/ili strateška
2. Sedmična frekvencija za svaku destinaciju (minimalno 2 leta sedmično za redovne linije, odnosno 1 let sedmično za charter linije)
3. Tip i kapacitet aviona (minimalno 50 sjedišta)
4. Broj odlazećih putnika na godišnjem pretpostavljenom load factoru 85% (minimalno 2.500 odlazećih putnika)
5. Period operiranja (sezonski, cjelogodišnji)

Nakon provjere ispunjavanja navedenih kriterija, pristupa se obračunu iznosa marketinškog poticaja po putniku. Prvo se utvrđuje broj destinacija (Td) koje avio-kompanija planira uvesti ili na kojima će povećati frekvenciju letova. Td za do tri destinacije množi se iznosom 0,50 eura (Cd), dok za broj destinacija veći od tri Td se množi iznosom 0,75 eura (Cd). Nakon toga, pristupa se određivanju Bloka frekvencije (Bf) na temelju broja frekvencija u sedmici (Tf) za svaku destinaciju posebno. Total frekvencija (Tf) predstavlja broj operacija koje se obavljaju za jednu destinaciju tokom jedne sedmice. Na primjer, ukoliko avion leti u ponedjeljak, četvrtak, petak i nedjelju, ukupan broj frekvencija u jednoj sedmici iznosi 4.

Nakon određivanja broja frekvencija (Tf), pripadnost Bloku frekvencija (Bf) se određuje pravolinijskim pristupom. Na primjer, za $Tf < 3$ pripadnost Bf iznosi 0,50 eura, dok za $Tf > 3$ pripadnost Bf iznosi 0,75 eura.


Dobijanjem vrijednosti za broj destinacija (T_d), koeficijenta destinacija (C_d) i pripadnosti Bloku frekvencija (B_f), ove vrijednosti se sabiraju i množe sa ukupnim brojem putnika kako bi se dobio ukupan iznos marketinškog poticaja za avio-kompaniju za jednu destinaciju.

MODEL B3I

Obračuna marketinških poticaja za avio-kompanije po putniku

USLOV ZA PRIMJENU:

1. Za bazne avio-kompanije
2. Za avio-kompaniju koja otvara novu destinaciju
3. Za avio-kompanije koje uvode jednu ili više strateških ruta
4. Za avio-kompanije koje uvode letove na postojećoj ruti, ali na kojoj u momentu apliciranja za subvenciju nema više od dva leta sedmično
5. Za avio-kompanije koje bi otvorile dugolinijske letove u trajanju od šest i više sati



NAČIN OBRAČUNA MARKETINŠKOG POTICAJA PO PUTNIKU (T_{mpp}):

$$T_{mpp} = (T_d \cdot C_d) + B_f$$

$$T_{mpp} = (T_d \cdot C_d) + B_f + S_r \text{ ili } L_{Hr}$$

- * T_d - Ukupan broj destinacija (n) gdje je: $T_d = n \cdot 0,50$ euro ili ako je >3 destinacija broj destinacija se množi sa 0,75 eura
- * T_f - Ukupan broj frekvencija (ukupan broj dana u sedmici za jednu destinaciju npr. $T_f = 1.45 \cdot 7 = 4$)
- * B_f - T_f određuje vrijednosti Bloka frekvencija

Dodatna stimulacija od 1 euro po putniku predviđena je za avio-kompanije koje uspostavljaju strateške rute (S_r), kao i za one koje uspostavljaju dugolinijske rute (L_{Hr}) rute sa vremenom letenja većim od 6 sati.

Konačna formula za izračun ukupnog marketinškog poticaja po putniku (T_{mpp}) za određenu rutu glasi:

$$T_{mpp} = T_d \cdot C_d + B_f$$

Konačna formula za izračun ukupnog marketinškog poticaja uz stimulatívni dodatak, po putniku, za strateške ili dugolinijske rute:

$$T_{mpp} = T_d \cdot C_d + B_f + S_r \text{ ili } L_{hr}$$

Za zimski red letenja, obračun iznosa se uvećava za dodatnih 10% kako bi se dodatno stimulisao zimski turizam u Kantonu Sarajevo.

Svi navedeni kriteriji i obračuni usklađeni su s ciljem podrške razvoju avio-saobraćaja u funkciji razvoja turizma u Kantonu Sarajevo.

Na osnovu prijava koje zadovoljavaju postavljene kriterije odabracé se avio-kompanije kojima ée biti dodijeljena sredstva za sufinansiranje, a sve u skladu s raspoloživim budžetom.

U slučaju da ukupna vrijednost prijava premašuje dostupna sredstva za period, prioritet ée imati prijave s većom vrijednosti aplikacije.

VI OBAVEZNA DOKUMENTACIJA

1. Elektronski popunjen, isprintan i vlastoručno potpisan od ovlaštene osobe prijavni obrazac za Javni poziv
2. Dokaz o registraciji za obavljanje poslova avio-prijevoznika Certifikat Operatora (Air Operator Certificate - AOC)
3. Dozvola za obavljanje poslova avio-prijevoznika za period trajanja Programa Radnu dozvolu Operatora (Operation Licence)
4. Uvjerenje banke da je transakcijski račun avio-kompanije aktivan, ne stariji od tri mjeseca računajući od dana objave JP
5. Lista destinacija sa frekvencijama,
6. Avion/i koji ée se koristiti i njihov kapacitet,
7. Period obavljanja letova sa Međunarodnog aerodroma Sarajevo,
8. Kratki opis i profil avio-kompanije sa brojem prevezenih putnika u prethodnih 12 mjeseci.

Prijavni obrazac za Javni poziv može se preuzeti na službenoj web stranici Turističke zajednice Kantona Sarajevo www.visitsarajevo.ba i web stranici JP Međunarodni aerodrom „Sarajevo“ d.o.o. www.sarajevo-airport.ba.

Avio-kompanije su odgovorne za tačnost i potpunost priložene dokumentacije, te da su svi dostavljeni dokumenti važeći i relevantni za evaluaciju njihove prijave.

VII OBAVEZA KORISNIKA ODOBRENIH SREDSTAVA

Obaveza korisnika sredstava je da odobrena sredstva koristi namjenski u skladu sa zaključenim ugovorom sa Turističkom zajednicom Kantona Sarajevo.

VIII PRIJAVA NA JAVNI POZIV

Prijava na Javni poziv dostavlja se isključivo poštom preporučeno u zatvorenoj koverti na adresu:

Turistička zajednica Kantona Sarajevo

Ul. Dalmatinska 2/4

71000 SARAJEVO, Bosna i Hercegovina

sa naznakom

**PRIJAVA NA JAVNI POZIV „SUBVNCIONIRANJE AVIO- SAOBRAĆAJA NA
PODRUČJU KANTONA SARAJEVO” – NE OTVARATI**

IX ROK ZA PODNOŠENJA PRIJAVA NA JAVNI POZIV

Javni poziv ostaje otvoren do *13.11.2023. godine*

Rok za dostavljanje prijave je 30 (trideset) dana od dana objave Javnog poziva na web stranici Turističke zajednice Kantona Sarajevo (www.vistsarajevo.ba) i web stranici JP Međunarodni aerodrom „Sarajevo“ d.o.o. www.sarajevo-airport.ba.

X REZULTATI JAVNOG POZIVA

Rezultati Javnog poziva će biti objavljeni na zvaničnoj web stranici Turističke zajednice Kantona Sarajevo i web stranici JP Međunarodni aerodrom „Sarajevo“ d.o.o. www.sarajevo-airport.ba.

XI ROK ZA POTPISIVANJE UGOVORA

Turistička zajednica Kantona Sarajevo će sa odabranim korisnicima potpisati ugovor najkasnije u roku od 30 dana od dana objave rezultata po ovom Javnom pozivu.

XII NAČIN ISPLATE SREDSTAVA

Turistička zajednica Kantona Sarajevo će isplaćivati subvenciju avio- kompanijama na osnovu mjesečnih podataka o ostvarenom broju letova i ukupnom broju putnika, razvrstano po destinacijama sa informacijama o broju frekvencija i finansijskom rekapitulacijom koju je avio-kompanija ostvarila, a koju Turističkoj zajednici Kantona Sarajevo dostavlja JP Međunarodni aerodrom “Sarajevo” d.o.o.

XIII POSEBNA NAPOMENA

U toku provođenja I realizacije Javnog poziva Turistička zajednica Kantona Sarajevo zadržava diskreciono pravo njegove izmjene i dopune u slučaju nastupanja objektivnih okolnosti. na području Kantona Sarajevo.

XIV INFORMACIJE I KONTAKT

Za dodatne informacije i pojašnjenja, zainteresirane aviokompanije mogu kontaktirati Turističku zajednicu Kantona Sarajevo putem:
E-mail: info@visitsarajevo.ba

